

大明三藏法數卷第二十八

稽十

上天竺前住持沙門一如等奉勅集註

十種佛出華嚴經佛梵語具云佛陀華言覺謂自

覺覺他覺行圓滿也 **一成正覺佛**謂佛於

菩提樹下降伏諸魔朗然大悟證無上果

是名成正覺佛稽十梵語菩提華言道謂之菩提樹者以佛於此樹下成

道而得 **二願佛**謂佛從兜率下生人間說

法度生酬宿因願是名願佛梵語兜率華言知足

**業報佛**謂佛修萬行清淨業因感相好莊

嚴果報是名業報佛 **四住持佛**謂佛真身

及於舍利住持世間永久不壞是名住持

佛梵語舍利華言骨身 **五涅槃佛**梵語涅槃華言滅

度謂佛應身化事既終示現滅度是名涅槃

佛滅度者謂大患永滅超度三界也 **六法界佛**謂佛證

一真法界無漏之體有大智慧放大光明

徧照一切是名法界佛無漏者謂惑業淨盡不漏落三界生

**七心佛**謂佛心體離念虛徹靈通本來

真覺寂然獨照是名心佛 **八三昧佛**梵語

三昧華言正定謂佛常住大定如如不動

了知一切是名三昧佛 **九本性佛**謂佛具

大智慧照了自性本來是佛具足恒沙性

妙功德是名本性佛 **十隨樂佛**謂佛隨機

樂欲如意速疾即為現身說法令其行業

成就是名隨樂佛

華嚴十類經出華嚴經疏謂毘盧遮那如來以本

願力現法界無盡身雲遍一切處常轉無

上法輪令諸衆生入華藏海無有窮盡故

知此經難可限量然自狹至寬略明十類

故現相品云毘盧遮那佛願力周法界一

切國土中恒轉無上輪是也梵語毘盧遮那華言遍一

切處

**略本經**

謂此經一部三十九品八十

卷文現傳世間乃是下本十萬偈中之四

萬五千偈未得具足故名略本經

**二下本**

**經**謂此經蓋文殊與阿難結集已龍神收

入龍宮後因龍樹菩薩入龍宮見此大不

稽十

思議經具有上中下三本下本十萬偈四

十八品龍樹遂記出流傳於世故名下本

經文殊梵語具云文殊師利華言妙德梵

語阿難華言慶喜龍樹者本傳云其母

樹下生之又因龍接入官以成其道遂以

為號大智度論云大不思議經即華嚴經

也**三中本經**謂此經龍樹於龍宮所見有

四十九萬八千八百偈一千二百品故名

中本經**四上本經**謂此經龍樹於龍宮所

見有十箇三千大千世界微塵數偈一四

天下微塵數品故名上本經

**五普眼經**

謂此經中

普眼法門於一法之中能見無量之法即

海雲比丘所持以大海為墨須彌聚筆書

此法門一品中一門一門中一法一法中

一義一義中一句不得少分何況能盡故

名普眼經

海雲比丘者即善財童子第三所奉之誓知識以此普眼法門

開導善財者也**六同說經**謂佛約百億同類世界

遍於虛空皆有主伴同說無盡法輪不思

議品云如一佛身轉如是無盡法輪如是

盡虛空界一一毛端分量之處一一化身

皆如是說音聲文字句義一一充遍法界

故名同說經

稽十**七異說經**謂佛約樹形等異

類世界其中衆生報類亦別於彼現身說

法化導羣生施設不同故名異說經

樹形者謂**八主伴經**謂毘盧遮那與十方

佛互為主伴重重無盡而說此經如此方

遮那為主說此法時十方諸佛為伴彼方為主此方為伴如此方說十住時十方來證皆言我等國土皆說此法則知十方國土一切諸佛互為主伴皆說此經故名主伴經十住即經中十住品也

**九眷屬經** 謂佛隨順機

宜之教是此經之眷屬蓋下劣之機不能聞圓頓一乘大法故佛隨宜說三乘教作勝方便引入此門經云普眼修多羅以佛刹微塵數修多羅以為眷屬故名眷屬經三乘者聲聞乘緣覺乘菩薩乘也梵語修多羅華言契經

**十圓滿經** 謂

此經名圓滿因輪融上九經為一無盡修多羅海隨一會一品一文一句皆攝無盡法海圓滿具足經云顯現自在力為說圓滿經無量諸眾生悉授菩提記故名圓滿經因輪即根本法輪也根本法輪若轉一切法輪皆轉也

十種教體出華嚴經疏 教者謂如來所說一大藏教也體即體性教之本也然如來所說之教詮顯權實義趣淺深不同故分十體收攝一切教法罄無不盡也權者三乘權教謂聲聞緣覺菩薩也實者一乘實教也

**一音聲語言體** 謂言音語業

為教體也故佛唱號言辭評量論說是為教體楞嚴經云此方真教體清淨在音聞是也

**二名句文身體** 名者依事立名句者

眾語合成文者聯合眾義皆言身者身即聚集之義謂此三者長短高下次第行布而能詮顯教法之體也稱十

**三通取四法體** 謂

通取聲名句文四法而為能詮教體也淨名經云通用四法為佛教體是也

**四通攝**

**所詮體** 謂經文通攝所詮義理為教體也

蓋文是所依義是能依文是能詮義是所

詮此明文義相成也經云文隨於義義隨文是也

**五諸法顯義體**

謂世間一切諸法

能顯義理皆為教體也淨名經云或有佛土以佛光明而作佛事香積世界餐香飯而三昧顯極樂佛國水鳥樹林皆宣妙法

華嚴性海雲臺寶網同演法音毛孔光明

皆作佛事是也

香積佛國土名也香飯者即維摩詰遣化人詣彼國所取之香飯也梵語三昧華言正定

**六攝法唯心體**

謂以前

五種一切諸法唯心所現故攝為教體也

起信論云所言法者謂眾生心是心則攝

一切世間出世間法是也

**七會緣入實體**

謂會前六門緣起差別教法同入真如一

實之體也蓋諸聖教皆從真如流出故因

緣事相本空全是真如體性也

**八理事無礙**

**礙體**謂真如是理教法是事此二無礙為

補十

五

教體也蓋一切教法雖全體即真如而不礙事相宛然雖真如全體為一切教法而不礙理性明現二互交徹無礙融通也

**九理事無礙**謂一切法文義圓融以無障礙法界為教體也蓋所起教稱性融通事

事無礙遂令一言一音一文一義一因一

果一毛一塵含攝法界圓融無礙遞互交

叅重重無盡經云佛以一妙音周聞十方

國眾音悉具足法雨皆充遍是也

**十海印**

**炳現體**謂海印三昧為教體也然海印是

喻三昧是定如來說華嚴經時入是三昧

一切諸法炳然齊現大寂定中猶如香海

澄渟湛然不動四天下中一切眾生色身

形像皆於其中歷歷頓現如印印文其差

別無盡教法及所化機雖大小不同亦同

緣起炳現定中經云或現童男童女形天龍及以阿修羅乃至摩睺羅伽等隨其所樂悉令見衆生形相各不同行業音聲亦無量如是一切皆能現海印三昧威神力

是也四天下者即東弗于逮南閻浮提西

修華華言無端正梵語摩睺羅伽華言大腹行地龍也

教起十因出華嚴經疏謂如來出現說華嚴經必

有因緣故出現品云非以一緣非以一事

如來出現以無量因緣而得成就令斯教

興故以因緣二字各開十義以顯無盡先

彰十因後顯十緣故云教起因緣也

**應爾**法應爾者理本當然也謂如來出現

法應說此華嚴經故所以諸佛皆於無盡

世界常轉無盡法輪令諸衆生返本還源

佛佛道同法皆如此也

**酬宿因** 酬宿因

者謂如來說法為酬宿世願因也蓋如來於因中精脩道行願度衆生今既成佛當酬宿願是以悲智雙運行願齊周說廣大法度諸衆生也

**三順機感**

謂如來說教必

以說者必隨順機宜也

**四為教本**

謂如來

先說此一乘圓頓之法為諸教之本然後

漸施末教調停小機根器既熟使其悟入

如來智慧也末教者即聲聞緣覺小教也

**五顯果德** 謂

如來顯揚妙果勝德令人信樂若不知佛

果德安能渴仰懇求故佛舉揚華藏世界

微妙十身依正果德蓋為此也依正果德有二種一依果即華藏世界也二正果即如來十身也十身者菩提身願身化身力持身相好莊嚴身威勢身慧生身福德身法身智身也

**六彰地位**

謂此經

彰顯菩薩脩行地位從因至果有階差也

彰顯菩薩脩行地位從因至果有階差也

然有二種一行布位即排布行列次第升

進也二圓融位即一位攝一切位也如初

地等一地之中具攝一切諸地功德是也

初地者即十地  
中初歡喜地也**七說勝行**謂如來宣說殊

勝妙行令人信向也蓋欲登妙位非行不

階故說無量勝行使一切菩薩及諸衆生

依教立行造脩證入也**八示真法**謂如來

出世宣示真實大法令人開解也蓋欲脩

諸勝行決須解了法理不達法理行亦非

真經云不了真實法諸佛故與世是也**九**

**開因性**謂如來開示一切衆生本有性德

也蓋以如上真法勝行因果皆衆生性中

本有但相變體殊情生智隔不能覺了故

談斯經令其開悟也相變體殊者謂生佛  
之相既變理性之體

亦殊也**十利今後**謂如來說法利益今世後

世一切衆生也經云我等諸佛護持此法

令未來世一切菩薩皆悉得聞獲大利益

是也

教起十緣出華嚴  
經疏**一依時**時即說經時分也

謂如來心冥至道則混一古今一念與多

劫圓融本無時分可限今以無時之時略

顯十時恒演此經經云諸佛得菩提實不

計於日是也劫梵語具云劫波華言分別  
時節十時者一念時盡七日

時猶三際時攝同類劫時收異類劫時以  
念攝劫時劫念重收時異類界時彼此相  
入時以本  
收末時也**二依處**處即說經處所也謂諸

佛菩薩於十方盡虛空徧法界微塵刹海

乃至容一一毛端之處皆有七處九會頓

演此經猶如帝網重重無盡故云依處也

七處者一菩提場二普光明殿三切利天  
四夜摩天五兜率天六他化天七遊多林  
九會者六處各說一會**三依主**主即說經

惟普光明殿三會說也

教主也謂毘盧遮那佛現法界無盡身雲周徧十方微塵刹海常說華嚴經云如於此處見佛坐一切塵中亦復然故云依主也梵語毘盧遮那華言遍一切處**四依三昧**梵語三昧華言正定謂佛說經必先入三昧定靜鑒法

理權實分明然後從定而起應機而說故云依三昧也權實分明者謂說小乘法為權大乘法為實也**五依**

**現相**現相即說經之初現瑞相也謂或放光動地華雨香雲皆為說法之瑞故於諸會將欲說法必先放光警動物機故云依

現相也**六依說人**說人即說法之人也謂法無廢興弘之由人經云佛法無人說雖慧莫能了故云依說人也**七依聽人**聽人即聽法之人也謂佛說法若無聽者終無有說故云依聽人也**八依德本**德本謂談

機十

經必以智慧行願為本也若內無德本外豈能談故佛告金剛幢菩薩言由汝智慧清淨故告普賢菩薩言亦以汝修諸菩薩行願故令汝入於三昧而演說法故云依德本也**九依請人**請人即諮請法要之人

也謂說法之人慈悲深厚雖無人請問而或自談若做法重人更須誠請而後為說故云依請人也**十依能加**能加謂如來以

神力加被菩薩而說經也然加有二種一者顯加即佛以三業神力顯然加被二者

機十

九

冥加即佛密與智慧令他說法故云依能加也三業者身業口業意業也

教被十機出華嚴經疏教者謂華嚴一乘圓頓之

法也蓋毘盧遮那如來演說此經化被羣機通有十類故云教被十機也梵語毘盧遮那華言

徧一切處

**一被無信機**

謂邪見眾生無有善根

不能信受或時聞已反生誹謗墮諸惡道

雖墮惡道由聞名故熏成其種是名被無

信機

**二被違真機** 謂人違圓教真法而依

傍此經以求名利不淨說法集邪善因雖

違真教佛作饒益曾無厭捨是名被違真

機

**三被非實機** 謂人執着文言即乖違實

之理而圓妙義門不入其心雖非實理由

熏聞成種是名被非實機

**四被狹劣機** 謂

二乘之人根器狹小故雖在法會如聾如

啞不聞此經根雖狹劣宿種蒙熏是名被

狹劣機

二乘者聲聞乘緣覺乘也

**五被守權機**

權即權

巧方便機即所化之機謂權教之人執守

三乘之法次第證脩不信圓融具德之教

雖執權小之教然蒙佛饒益終能醒悟是

名被守權機

三乘者聲聞乘緣覺乘菩薩乘也

**六被正為**

**機** 謂佛正為一乘圓機說此具德之教使

其聞而信解脩行悟入即運不思議之妙

乘遊入蓮華藏海是名被正為機

送入華藏海者

以喻所證法界之理無不周遍而含攝也

**七被兼為機**

謂人聞

此經雖未悟入而能信受成堅固種經云

如人食少金剛終竟不消此約未證悟者

稱之為兼是名被兼為機

**八被引為機** 謂

前權教菩薩不信圓融具德之法故於十

地之中以六相圓融之義借其三乘行布

之名寄位增勝誘引演說令彼信受即入

圓融是名被引為機

十地者歡喜地離垢地發光地熾慧地勝地現前地遠行地不動地善慧地法雲地也六相者總相別相同相異相成相壞相也

**九被權為機** 謂二乘聾瞽不聞者乃是

諸大菩薩權示聲聞之行在於法會假言



不聞及至逝多林中却頓悟法界示小乘

根亦可得入是名被權為機梵語逝多華言勝林

**被遠為機**謂久遠之機令其成熟也蓋凡

夫外道無性闡提及未來世一切衆生悉

有佛性咸是所被今雖不信後必當入遠

熏成種是名被遠為機闡提梵語具云一

十宗收教出華嚴經疏唐賢首法藏國師為宗計

不同乃開十宗判五教收釋一代聖教理

無不盡故前六宗收小乘教第七宗收始

教第八宗收頓教第九宗收終教第十宗

收圓教故云十宗收教也 **一我法俱有宗**

謂此宗執着有我及計有無等法悉皆是

有是為我法俱有宗 **二法有我無宗**謂此

宗計諸法是有不離色心而於我相了不

可得是為法有我無宗 **三法無去來宗**謂

種十

十一

此宗計一切現在法是有計過去未來之

法俱無是為法無去來宗 **四現通假實宗**

謂此宗計現在法通假通實也通實者計

五蘊法以為實有通假者計十二處十八

界以為虛假是為現通假實宗五蘊者色

蘊行蘊識蘊也十二處者眼處耳處鼻處

舌處身處意識處色處聲處香處味處觸處

法處也十八界者眼界色界眼識界耳界

舌識界身界觸界身識界香界鼻識界

舌識界身界觸界身識界香界鼻識界

舌識界身界觸界身識界香界鼻識界

舌識界身界觸界身識界香界鼻識界

舌識界身界觸界身識界香界鼻識界

舌識界身界觸界身識界香界鼻識界

舌識界身界觸界身識界香界鼻識界

種十

十一

無自性也圓成性者謂真如之性不遷不變圓滿成就也

**八真空絕相**

**宗**謂此宗說真空實相之中絕一切虛妄

假名之相故般若心經云是故空中無色

無受想行識等是為真空絕相宗**九空有**

**無礙宗**謂此宗說空是即有之空故不礙

有談有是即空之有故不礙空二互交徹

圓融無礙是為空有無礙宗**十圓融具德**

**宗**謂此宗說一切諸法稱性圓融具足衆

德周徧含融事事無礙主伴無盡是為圓

融具德宗主即佛也伴即菩薩也

立門無礙十因出華嚴經說立門者即十立門也

以此十法性德為因起大業用令被立門

諸法混融無礙重重無盡故云立門無礙

十因也立者妙也**一心所現**謂世間出世間

一切諸法唯是真心所現然法唯心現全

法是心心既圓融法亦無礙經云知一切

法即心自性是也**三**謂一切諸

法既唯心現從緣而起無定性也所謂小

非定小於一微塵能含太虛大非定大輪

圍無數入毛端中經云金剛圍山數無量

悉能安置一毛端是也輪圍者金剛輪圍山也

**起相由**謂緣起之法通相由藉然法界緣

起義門無量略舉十義緣起方成故云緣

起相由也十義者諸緣各異義互徧相資義俱存無礙義異體相入義異體相即義俱融無礙義同異圓滿義也

**法性融通**謂法界之性圓融通達無礙然

一切事法依性建立不異真性性既融通

事亦如之故一一微塵各舍法界經云華

藏世界所有塵一一塵中見法界是也

**如幻夢**幻者猶如幻師能以一物為種種

物幻種種物而為一物夢者如一夢中所見廣大事業自謂歷時久遠經云如人睡夢中造作種種事雖經億千歲一夜未終盡是也

**六如影像**

謂一切法從心所現而能含明了性猶如明鏡各各互現諸法影

續十

十三

像也經云遠物近物雖皆影現影不隨物而有遠近是也

**因無際**

謂往昔因中稱法界性脩無量殊勝之因故今得果妙用無邊經云往脩勝行無有邊今獲神通亦無量是也

**佛證窮者謂佛證果**

窮極也故三覺圓明六通自在稱法界性說圓滿經云佛住甚深真法性所流圓

滿脩多羅是也

三覺者自覺覺他覺行圓滿也六通者天眼通天耳通他心通宿命通身如意通漏盡通也梵語脩多羅華言契經

**九深定用**

深定用者謂入甚深大定而起妙用也蓋

以海印等諸三昧力令一切法炳然齊現無礙圓融經云入微塵數諸三昧一一出生塵等定是也

海印三昧者梵語三昧華言正定海印是喻三昧是定一切諸法炳然齊現大寂定中猶如香海甚然不動一切色相歷歷顯現如印印

**十神通解脫**

解脫即自在之義謂佛以神通不思議解脫之力令一切法於一法中建立顯現圓融自在經云於一塵中建立三世一切佛法是也

三世者過去現在未來也

十玄門

出華嚴經疏疏演義妙 玄者妙也門即能通之義謂玄妙之門能通蓮華藏海故也蓋此

十門乃晉雲華尊者依華嚴大經一乘圓

頓妙義而立也

**同時具足相應門** 謂舉

一法時頓具一切諸法一法既具法法亦

然交互同時皆得相應具足圓滿經云一

切法門無盡海同會一法道場中是也

**三**

**廣狹自在無礙門**謂大而無外名廣小而無內名狹然大非定大置毛端而不窄小非定小含太虛而有餘所謂事得理融自在無礙經云能以小世界作大世界大世界作小世界等是也

**三多相容不礙門**

謂一佛土與十方一切佛土互相容納而不壞一多之相名為不同經云以一佛土滿十方十方入一亦無餘是也

**四諸法相**

**即自在門**謂一切諸法互融互即不相妨礙如一法捨已同他則舉體全是於彼若

一法攝他同已則令彼一切即是已體經云一即是多多即一是也

**五祕密隱顯俱**

**成門**謂一切諸法互攝無礙如一法攝多法則一法顯而多法隱如多法攝一法則多法顯而一法隱顯中有隱隱中有顯名

補十

十四

為俱成由此隱顯體無前後不相妨礙名為祕密疏云如初八夜月半隱半顯隱顯同時不同晦月唯隱無顯望月唯顯無隱然其半隱半顯之月非但明與暗俱而明下有暗暗下有明也

**六微細相容安立門**

謂一能含多名曰相容一多不雜乃稱安立然所含微細如琉璃瓶盛多芥子炳然齊現不相妨礙經云於一塵中一切國土曠然安住是也

**七因陀羅網境界門**梵語

釋十

十五

因陀羅華言天珠天即帝釋天也珠即珠網蓋帝釋殿珠網覆上於一明珠內萬像俱現眾珠盡然互相現影復現影遞互交光重重無盡今此法門亦復如是一一法中一一位中一一世界互相交參重重無盡經云諸佛知一切世界如因陀羅網

世界是也 **八託事顯法生解門** 謂寄託一

事即顯無盡法門令人深生信解疏云自

在即稱為王潤益即名法雲金色世界即

是本性彌勒樓閣即是法門勝熱婆羅門

火聚刀山即是般若若是也 梵語彌勒華言慈氏勝熱婆羅

門者即善財五十三參中第九參之善知識也 **九十世間法界**

**謂**三世各三為別一念為總故名十世

三世區分不相雜亂故云隔法三世互在

遞相成立乃稱異成經云菩薩有十種說

三世過去說過去過去說現在過去說未

來現在說過去現在說平等現在說未來

未來說過去未來說現在未來說無盡又

云無量無數劫解之即一念是也 平等者謂現在

中現在空前後過去未來得平等故也無盡者謂未來中未來於未來際無有盡故也

**十主伴圓明具德** 謂如來說圓教之

法理無孤起必眷屬隨生故十方諸佛普

薩互為主伴重重交參同時頓唱圓教法

門如淨空明月列星圍繞淨器百川近遠

炳現名主伴圓明一一法會所說法門稱

性極談具足眾德名為具德經云法界修

多羅以佛刹微塵數修多羅以為眷屬是

也 梵語修多羅華言契經

緣起十義 出華嚴經疏 緣起者謂諸法所起因緣

遞相攝持涉入無礙分為十種以釋前十

玄門之義也 **諸緣各異義** 諸緣各異者

謂諸法緣起各不同也蓋諸法遞互相望

要須體用各別不相雜亂方成緣起經云

多中無一性一亦無有多是也 **互徧相**

**資** 互徧相資者謂諸法所起更互周徧

相應資助方成緣起也如一緣徧應多緣

此一則具多一若不多一則應不徧不成

緣起當知此法界中一緣具多法法皆爾

無不互徧相資經云知以一故衆知以衆

故一是也

**三俱存無礙義**俱存無礙者謂

凡是一緣要具前之二義方成緣起無礙

也然必由各異方得待緣必由徧應方自

具德是故自一多一自在無礙經云諸法

無所依但從和合起是也

自一多一者謂如十數中以一為自一以自一應餘九為多一也

**四異體相入義**異體相

入者謂諸法異體遞相涉入也蓋諸法力

用遞相依持方成緣起如一持多則多入

一內如多持一則一入多內也

**五異體相即義**異體相即者謂諸法異體更互相望

全體形奪也然具有體無體方成緣起若

一緣有體能起諸緣即是一緣若一緣無

種十

十七

體所起之緣即是諸緣一緣有體無體既

爾諸緣有體無體亦然經云一即是多多

即一是也

全體形奪者謂有無之體更互形比與奪也一緣者即一法之

**六體用雙融義**體用雙融者謂會前

異體相入相即二種皆融通也蓋諸法體

用交涉無礙方成緣起以體無不用故舉

體全是用以用無不體故舉用全是體互

不相礙交徹圓融也

**七同體相入義**同體

相入者謂一緣多緣無別體故名爲同體

若一緣有力則能持多一若多一無力則

依彼一緣是故一能攝多多便入一多能

攝一一便入多也

**八同體相即義**同體相

即者謂本一多一同是一體故相即也蓋

本一有體能作多一多一無體由本一成

多一即本一也故本一有體則多一無體

多一有體則本一無體也

本一者謂多數中隨其所用之

一即為本也 **九俱融無礙義** 俱融無礙者謂融

前同體相入相即二種皆無礙也蓋體無不用則有同體相入而無相即之義用無不體則有同體相即而無相入之義今既

全體全用則亦入亦即也

**十同異圓滿義**

同異圓滿者謂前九義有同有異總合為一成大緣起令多義門同時具足皆悉圓滿也

十妙 出法華玄義 不可思議名妙即實相之理也

實相之理精微玄妙清淨寂絕經云是法不可示言辭相寂滅是也總論因果自他故具明十妙妙體無殊也 **一境妙** 境即理境也謂十如是等境心佛眾生三無差別不可思議經云唯佛與佛乃能究盡諸法

實相所謂諸法如是相等是也

十如是者如是相如是性如是體如是力如是作如是因如是緣如是果如是報如是不究竟等也

**智妙** 智即全境所發之智也以境妙故

得智慧微妙最第一是也 函蓋相應者函喻境蓋喻智應

**三行妙** 行即所修之行也以智妙故智

導於行行亦隨妙不可思議經云行此諸道已道場得成果是也 **四位妙** 位即修行

所歷之位次也謂十住十行十回向十地等諸位以行妙故所證之位亦妙不可思

議經云乘是寶乘遊於四方是也 十住者

治地住修行住生貴住方便具足住正心住不退住童真住法王子住灌頂住也十行者歡喜行饒益行無瞋恨行無盡行離癡亂行善現行無著行尊重行善法行真實行也十回向者救一切眾生離衆生相回向不壞回向等一切佛回向至一切處回向無盡功德藏回向隨順平等菩提回向隨順等觀一切眾生回向真如相回向

無縛解脫。向法界無量。向也。十地者。歡喜地。離垢地。發光地。焰慧地。難勝地。現前地。遠行地。不動地。善慧地。法雲地。也。四方即東西南北表前四十位也。

**五三**

**法妙** 三法即真性觀照資成之三法也。真

性是理觀照是慧資成是定此之三法是

佛所讚不可思議經云佛自住大乘如其

所得法定慧力莊嚴是也。資成者謂定力能資助成就智

也。**大感應妙** 感即眾生應即佛也。謂眾生

能以圓機感佛佛即以妙應應之如水不

上升月不下降而一月普現眾水不可思

議經云一切眾生皆是吾子是也。**十神通**

**天** 天心名神慧性名通天然慧性徹照無

礙名為神通謂如來無謀之應善權方便

稱適機宜變現自在不可思議經云今佛

世尊入于三昧是不可思議現希有事是

也。梵語三昧**謂說大小乘偏圓**

之法咸令眾生悟入佛之知見一音宣演

不可思議經云如來能種種分別巧說諸

法言辭柔軟悅可眾心是也。偏圓者謂小乘之法所談

之理非中名偏大乘之法所談之理具足圓滿名圓也。

佛出世十方諸大菩薩皆來贊輔或以神

通而來生者或以宿願而來生者或以應

現而來生者皆名眷屬俱不可思議經云

但教化菩薩無聲聞弟子是也。**十不二門**

謂佛說法一切眾生咸得開悟本性入佛

知見猶如時雨普洽大地蒙益不可思議

經云現在未來若聞一句一偈我皆與授

阿耨多羅三藐三菩提記是也。梵語阿耨多羅三藐

三菩提華言無上正等正覺

**十不二門** 出法華立義釋義 十門何為而設也。蓋荆

溪大師因釋法華立義其中廣明十妙之



肯法相該博學者難入故於迹本二門之間對前十妙立此十門復於門門之下結歸一念為令修學之人於一念心開妙解立妙行故云不可不了十妙大綱故撮十妙為觀法大體然此十門皆以不二命名

德十

二十

者蓋法華以前四時三教所談色心等十  
一一隔異名之為二至于法華開顯四時  
三教所談偏權之法皆即圓實實理既彰  
色心等法圓融自在互攝無外咸名不二  
十門既對十妙而立妙即不二不二即妙  
故此十門不二為門即能通之義蓋欲  
以十門之易而通十妙之難也  
四時者華嚴時應梵時方等時般若時也三教者藏教通教別教也偏權實者謂藏通別三教為偏為權圓教為實也  
**色心不二門**有形質礙之法而無知覺之用既異於心故稱為色雖有

知覺之用而無質礙可見以能緣慮名之為心諸文有云名色者心不可見但有其名名即心也故智度論云一切諸法中但有名與色更無有一法出於名色者然以情見言之色心二法有異以理而論一切諸法唯心本具即是妙色妙心心即是色色即是心心外無色色外無心互具互攝故名不二此之不二不出一念故心法妙所以為門也  
**內外不二門**此就內外二境論內外二觀也謂眾生諸佛及以依報名為外境自己心法名為內境於此內外二境皆以三觀觀之即名內外二觀也然若論修觀次第必先觀內心若論機入不同故須內外並列復為顯其妙義必須內外互融隨觀一境皆能徧攝故名不二此

德十

十一

之二不出一念故心法妙所以為門也

依報者即身所依之國土也三觀者空觀假觀中觀也難性難相謂之空無法不備謂之假非空非假謂之中也

**三修性不二門** 修謂修治

造作即隨緣變造之事也性謂本有不改即真如不變之理也性德不出色心修德

莫非三觀今示全性起修則諸行無作全

修在性則一念圓成是則修外無性性外

無修互泯互融故稱不二此之不二不出

一念故心法妙所以為門也

混絕也亡也論性則修全在於修性外無修修泯亡也論修則性全在於修修外無性性泯亡也融即圓融性

不礙修修不礙性性即是修修即是性也

**四因果不二門** 因即

從迷而言果乃就悟而說始從人天終至

等覺菩薩皆名為因唯妙覺佛獨稱為果

良以九界眾生無明惑覆實相之理未顯

名因唯妙覺佛無明淨盡實相之理究竟

顯發隨機應現設化無方乃名果也十界

迷悟雖殊實相始終理一故名不二此之

不二不出一念故心法妙所以為門也

者去後妙覺佛猶有一等勝前諸位得稱覺也妙覺者謂自覺覺他覺行圓滿不可思議也九界者菩薩界緣覺界聲聞界天人界修羅界餓鬼界畜生界地獄界畜

**五染淨不二門** 無明之用為染法

性之用為淨無明法性體本不二用乃有

殊迷則全法性而為無明全起無明之用

以在纏心變造諸法念念住着名之為染

悟則全無明而為法性全起法性之用以

離障心應赴眾緣念念捨離名之為淨然

在纏染心本具妙理與淨不殊故名不二

此之不二不出一念故心法妙所以為門

也 在纏心者纏即纏縛謂眾生心識為惑業之所纏縛也離障心者障即障礙謂佛心想惑業淨盡離乎障礙也

**六依正不二門** 依者依止

之處即所依之土也正者正受其報即能依之身也如佛果後示現下三國土名為依報示現前三教主及九界身名為正報法華開顯三土即是寂光九界無非圓佛寂光即所依之土圓佛乃能依之身以寂光圓佛理本無二故能依中現正中現依果既依正不二因亦復然由理同故即知諸佛衆生體用不二此之不二不出一念故心法妙所以為門也

下三國土者同居土方便土實報土以對常寂光土在上故名下也前三教主者即通別三教果佛也九界身者即菩薩等九界之身也寂光者即常寂光土也

**七自他不二門** 自

補十

二十三

生生佛而為所化故云他生他佛尚與心同況已心生佛寧乖一念既同一念自他豈殊故名不二此之不二不出一念故心法妙所以為門也

**八三業不二門** 三業者

如來果後垂化清淨身口意業也謂身輪現通口輪說法意輪鑑機當知身尚無身說亦非說身口平等等彼意輪心色一如故名不二此之不二不出一念故心法妙所以為門也

**九權實不二門** 權謂權謀即九界七

有別方便之法也實謂真實即佛界圓乘之法也蓋法華已前四時未會權實不融至法華開顯九界七方便之權即是佛界圓乘之實實即是權權即是實實外無權權外

無實皆稱秘妙故云不二此之不二不出

一念故心法妙所以為門也七方便者方便即

便宜謂藏通兩教二乘為四及藏通別三教菩薩共為七以其同修方便之道故也

**十受潤不二門**受潤者從喻而立名也受

即領納以三草二木喻七方便眾生為能

受也潤即沾潤謂如來說前四時三教之

法如雲注雨為能潤也法華開前四時三

教之法皆即圓法七方便眾生成蒙授記

作佛譬如三草二木皆一地所生一雨所

潤無復差降故名不二此之不二不出一

念故心法妙所以為門也三草二木喻七

人天中草喻聲聞緣覺上草喻藏教菩薩

小樹喻通教菩薩大樹喻別教菩薩也此

七方便因對下草故列人天而合藏通兩

教二乘但為二也上之七方便因對論權

實之法故不及人天也

十乘出摩訶止觀十乘者十乘觀法也此十通名

補十

十四

乘者乘即運載之義如世車乘堪能運載

也蓋言修行之人依此十法修之則能運

出生死之苦到於涅槃彼岸也數至十者

由修觀之人上中下根不等上根者唯觀

初不思議境即得破惑顯理其次者於初

種觀法修之不入須用第二發心乃至第

八對治助開方能破惑顯理又其次者於

前七種觀之不入須用第八知位次乃至

第十離法愛方能破惑顯理故止觀大意

云上根唯一法中根二或七下根方具十

又為知妙境為九乘之本稱本修九方堪

入於初住是故備論此十乘也梵語涅槃

初住者即十住**觀不思議境**華言滅度觀即能觀

中初發心住也境即所觀所觀者何不出色心色從心造

全體是心故經云三界無別法唯是一心

作即衆生日用現前以根對塵所起一念之妄心也此心既全真成妄今達妄即真即此妄心具足諸法無有缺減即心是一切法一切法是心非一非異不前不後玄妙寂絕非識所識非言所言故指此心爲

糖十

三五

不思議境也於此一心念念以即空即假即中三觀觀之若觀一法即一切法假觀也觀一切法即一法空觀也非一非一切而一而一切中觀也空觀破見思惑證般若德假觀破塵沙惑證解脫德中觀破無明惑證法身德三觀既即一而三三惑豈前後而破三德非次第而證說之次第理非次第由證三德即入初住所謂上根之人唯用一法即指此初觀也

三界者欲界色界無色界也以根對塵者謂以眼耳鼻舌身意之六根對色聲香味觸法之六塵也不前不後

者一心不在前諸法不在後也空假中者離性離相謂之空無法不備謂之假非空非假謂之中也非一非一切者中觀雙遮見思惑者謂意根對法塵而起分別曰見惑塵沙惑者謂衆生之惑種類數多如塵若沙也無明惑者謂於中道之理無所明了也三德者法身德

**發真正菩提心**

語菩提華言道初起大志造趣所期名之爲發不依偏權之教而依圓實中道妙境名曰真正菩提即所期之果妙境即所行之路心即能行能趣之心也蓋由中根之人觀上妙境不悟須再加發心於靜心中思惟彼我痛憫自他無量劫來沉淪生死縱發小志迷菩提心我今雖知行猶未備故依前妙境發四弘誓謂衆生無邊誓願度煩惱無數誓願斷此二誓下化衆生也法門無盡誓願知佛道無上誓願成此二

誓上求佛道也發此誓願如理思惟豁然

悟理入凡聖位是為發真正菩提心也備權

圓實者謂藏通別三教為備為權圓教為圓為實也凡聖位者凡即五

廣制其心也凡聖位者凡即五品十信之位聖即十住等位也

**善巧安心者善以法性自安其心也**

備十

千六

法性為所安以寂照為能安寂即是止照

即是觀若信此心但是法性則起是法性

起滅是法性滅了其實不起滅妄謂起滅

如是體達功成法界俱寂是名為止若觀

察此心體是無明無明癡惑即是法性無

明法性本來皆空空亦不可得法界洞朗

名之為觀若離法性無安心處若離止觀

無安心法由上發心不悟故用此方便善

巧令心得安也

**四破法徧**

破法徧者謂以三觀能破之法徧破諸惑也藏通二教但

用空觀破見思惑不得言徧別教先以空

觀破見思惑次以假觀破塵沙惑後以中

觀破無明惑無明未盡亦不得言徧今圓

頓教三觀祇在一心心空故一空一切空

即諸法皆空空則三惑俱破也心假故一

假一切假即諸法皆假假則三諦皆立也

心中故一中一切中即諸法皆中中則無

惑不破無理不顯故名徧也若上善巧安

心惑破理顯不俟更破由未安故故須此

破法徧也

備十

千七

**塞通**即通達謂菩提涅槃六度等法其性

虛通而能顯發實相之理皆名為通塞即

蔽塞謂生死煩惱六蔽等法其性昏暗以

能蔽塞實相之理不能顯發皆名為塞若

一緊言之如前破法徧中所破諸惑為塞

能破之法為通若別途言之於能破觀法復起愛著亦名為塞所謂於通起塞此塞須破於塞得通此通須護但破塞存通如除膜養珠破賊護將由上破法徧中脩之未悟復恐於通起塞於塞無通所以立此

通塞一門檢彼破法徧令於塞得通於通

無塞故名識通塞也

六度者一布施二持戒三忍辱四精進五禪定六智慧也煩惱者謂心煩之法也

心神也六蔽者一慳貪二破戒三嗔恚四懈怠五散亂六愚癡也除膜養珠者眼謂眼中所翳之膜珠即眼中之睛也

**道品調適**

道即能通之義品類不同故名

道品謂三十七道品而能通至涅槃也調適者調謂調停亦調試也適當也宜也從別言之故有三十七品若從總而言此三十七品不出戒定慧即是以戒定慧而調適也若脩四念處能生正勤正勤發如意

足如意足生五根五根生五力五力生七覺七覺入八正道是為調停適當也若隨人根性於諸道品何者相應可以入理是為調試適宜也當知道品即四諦之道諦也今依圓教無作四諦三十七品成於一

心三觀也於上破法徧及識通塞若不

道品調適何能疾與真法相應故大論云

三十七品是行道法脩道之人若欲破惑

入理必須此道品調適也

三十七道品者觀身不淨觀受

是苦觀心無常觀法無我是四念處三惡令未斷未生惡令不生已生善令增長

未生善令增長是四正勤欲如意足念加意足精進如意足思惟如意足是四如意足信根精進根念根定根慧根是為五根信力精進力念力定力慧力是為五力念覺分擇法覺分精進覺分喜覺分除覺分定覺分捨覺分是七覺分正見正思惟正語正業正命正精進正念正定是八正道以上諸法總為三十七品也

**治助開**

對即對待治即攻治謂行人正脩

**七對**

觀時忽或邪倒心起障於正行不能前進  
 隨所着心須以相應之法而對破之著心  
 既息則正行可進實理可顯如世醫治病  
 之術藥必對病而用其患冷病者必以熱  
 藥治之患熱病者必以冷藥治之患不冷  
 不熱者必以溫和之藥治之藥力若效其  
 病即愈病既愈已身即安康今論對治之  
 法亦猶是也而言助開者蓋由邪倒之心  
 障蔽正行而使解脫之門不開今修此對  
 治助道之法助於正觀之行開彼解脫之  
 門故名對治助開試就六蔽六度言之若  
 人修上道品調適解脫不開而慳貪忽起  
 激動觀心於身命財守護保著當用捨施  
 之法而對治之若破戒心起乖違淨禁當  
 確持戒律而對治之若瞋恚暴怒常生念

橋十

二十八

橋十

二十九

恨當用忍辱而對治之若放逸懈怠恣縱  
 閑蕩當用精進而對治之若浮掉馳騁散  
 亂不定當用禪定而對治之若沉昏暗塞  
 愚癡迷惑當用智慧而對治之前之六種  
 觀法皆名正行六度等法名為助道涅槃  
 經云衆生煩惱非一種佛說無量對治門  
 是也 **八知位次** 位即行行所歷之地位次  
 即次第謂所歷之位高下淺深不相混雜  
 也若修行者不知位次下根障重非惟正  
 助不明却生上慢謂已均佛未得謂得未  
 證謂證故小乘經中四禪比丘謂得四果  
 大乘經中魔為菩薩授記若知位次則無  
 如是之失故須知位次也 正助者正即所  
 修止觀之行助  
即六度等道之行以助助於正也四禪者  
 即色界第四禪也梵語比丘華言乞士四  
 果者即聲聞所證須陀洹果斯陀含果阿  
 那含果阿羅漢果也授記者聖言說與曰



按果與心期日記也

**尤安忍**

安即不動忍即忍耐謂

修觀之人初觀不思議境至第八知位次或入五品障轉慧開神智爽利本不聽學能解經論欲釋一義辯不可盡或說一兩句法或說一兩則禪初對一人傳誦漸廣則外招名利內動宿障宿障縱少名利彌至為眾圍繞廢損自行非惟正行不進障道還興惟當自勉於名利心安然不動復須忍耐內外榮辱策勵其心故名安忍

五品者隨喜讚誦說法兼行六度正行六度也障轉者謂感業之障轉成解脫也慧開者謂觀理之智開明也一兩則猶一兩段也宿障者謂宿世過去之業也內外榮辱者謂內心外身之榮辱也

**十離法愛**

離法愛者謂於中

道之法遠離愛著之心也蓋言修行之人修前九種觀法已過內外二障應入初住而不入者由住六根清淨之位愛著中道

十

三

相似之法所以不能進入也此相似位無

內外障唯有法愛法愛若斷即得發真中

道入於初住故名離法愛也第八第九第

十三種皆為下根之人修前七種觀法不

能入理故須明之所謂下根方具十也

障者內即感業外即名利等皆能障蔽正行故也六根清淨者謂眼耳鼻舌身意已離感業染污之法而獲清淨功德也相似法者謂於中道之理未能真證而發相似之解也

十境

出摩訶止觀 十境一一皆前十乘觀法所觀

之境若論十境生起由觀陰入發下九境

能所相扶次第出生故成於十若論下之

九境互發不定則無復次第當知陰境常

自現前若發不發恒得為觀下之九境發

則皆用十乘觀法觀之不發不觀也

陰入者謂五陰十二入也能所相扶者如初陰境能生煩惱陰為能生煩惱為所生餘境畏轉

相生亦然互發者更互發起也如正觀病境或發煩惱或發餘境餘境互發亦然

**一陰境** 陰覆蓋之義即色受想行識五陰

也亦名五蘊蘊即積聚之義若言覆蓋一

切善法此就因得名若言積聚無量生死

此就果得名十境以陰居初者有二義一

等十

三十一

現前二依經現前者謂人受一期果報之

身即是五陰五陰重擔常自現前是故初

觀依經者大品般若云聲聞依四念處行

道五陰即四念處所觀之境又經中凡列

法門無不以五陰為首是故初觀此且就

五陰通總而言若專論所觀之境必須於

五陰中除却前四的取第五識陰為所觀

之境也

一期者謂人從生至死也重擔者生死重沓名重人所荷負名擔四

念處者觀身不淨觀受是苦觀心無常觀法無我故云五陰即四念處所觀之境除却前四者謂除

色受想行也

**二煩惱境** 昏煩之法惱亂

心神又貪瞋等法與心作煩令心得惱故

云煩惱謂無始以來積集重惑今因用觀

觀察陰境煩惱即發譬如流水尋常不覺

其急若槩之以木流即奔迸莫能止遏是

時應捨陰境而觀煩惱境也

**三病境** 病

起之因雖多不出四大增損致有患生又

由觀陰感激動四大致有患生身若染病

廢修聖道若能觀察彌益用心復須識其

病之原由宜以何法治之或內觀力或術

或醫其病若愈聖道可修為是須觀病患

境也

四大者地水火大風大也謂人

攬外四大而成內身四大皮肉筋骨

等屬地涕唾涎沫等屬水煖氣屬火轉動

及出入息屬風言增損者水增則火損火

增則水損風增則地損地增則風損四大

不調病即生也陰惑者陰即陰境惑即煩

惱境也

**四業相境** 業即身口所作之業謂修

行之人無量劫來所作善惡諸業或已受

報不復更發或未受報於靜心中忽然俱發蓋善業將受報故發惡業來責報故發於此善惡業相現時勿喜勿怖彌須用觀令業謝行成一心取道為是須觀業相境也

劫梵語具云劫波華言分別時節

**五魔事境**

魔梵語具

云魔羅華言殺者謂能奪人智慧之命故言魔事者大論云魔以破人善法為事又天魔正以順生死貪五欲退菩提為事故名魔事此由觀前諸境惑雖未破天魔猶恐出其境界而復化度於他失我民屬空我宮殿又慮夫得大神通得大智慧必當調伏控制於我我今應預破之壞彼善根故有魔事發也治魔之法有三初觀察訶棄如守門人遮惡不進二當從頭至足一一諦觀身心了不可得魔從何來欲惱何

拾十

三十二

等如惡人入舍處處照檢不令得住三觀之不去即當強心抵捍以死為期一心用觀合道行成就為是須觀魔事境也

天魔者即欲界第六他化自在天也五欲者色欲聲欲香欲味欲觸欲也梵語菩提華言道

**六禪定境**

禪梵語具云禪那華言靜慮謂

魔事已過而且真明未顯以修觀故發過去習諸禪紛現當置魔事用觀觀之良以禪樂美妙喜生耽味雖免魔害更為定縛如避火墮水無益正行為是須觀禪定境也

過去習即宿習也諸禪者即色界中初禪二禪三禪四禪等禪也

**見境**

非一曰諸邪解曰見謂推理不當而偏見分明作決定解名為見也此之諸見或因禪發或因聞發因禪發者謂初因心靜後觀轉明見解通徹有如妙悟因聞發者謂聽本不多廣能曉悟見解分明問答

聰辯雖因禪因聞而發既推理不當皆屬  
邪見實非辯悟此等見發即須用觀觀之  
今達正道不為所障為是須用觀諸見境  
也

**八慢境**

自恃輕他之心名慢謂既伏諸  
見妄執之心則息無智者謂為涅槃濫叨

高位起大輕慢慢心既發廢於正行為是

須觀慢境也

梵語涅槃  
華言滅度

**九二乘境**

謂聲聞

緣覺以四諦之法而修則能運出生死之

苦名之為乘謂見慢之心既因修觀而息

則先世所習小志因靜而生蓋小志溺於

空寂不能至于大乘究竟之地所謂寧起

疥癩野干心勿學聲聞緣覺行故二乘境

界若發亦須用觀觀察母令生著為是須

觀二乘境也

四諦者苦諦集諦滅諦道諦  
也野干似狐而小形色青黃

如狗群行  
夜鳴如狼

**十菩薩境**

菩薩梵語具云菩提

薩埵華言覺有情天台大師解云用諸佛

道成就眾生謂由上見慢之心既息或發

先世所習若憶本願則不墮二乘之境而

發三教菩薩境界之心今修觀者既依大

乘圓頓妙教開解立行故藏等三教菩薩

境界若發亦須觀察母令生著為是須觀

菩薩境也

三教者藏教  
通教別教也

十如是

出法華  
經立義

不異名如無非曰是謂十法

界始自地獄終至佛界各具十如是因果

之法天台大師依義讀文凡有三轉一云

是相如是性如乃至是報如如名不異即

空之義也二云如是相如是性乃至如是

報名字施設各各不同即假之義也三云

相如是性如是乃至報如是如於中道實

相之是即中之義也

十法界者地獄界畜  
生界餓鬼界脩羅界

人界天界聲聞界緣覺界菩薩界佛界也  
空假中者雖性雖相謂之空無法不具謂  
之假非空非假謂之中也

**一如是相**

相即相貌相以據

外覽而可別謂始自地獄終至佛界各各  
相貌不同是名如是相相據外者謂相在  
外而可依據也

**二如是性**

性即性分性以據內自分不改

謂始自地獄終至佛界其性各各不同是

名如是性

**三如是體**

體即體質謂始自地

獄終至佛界俱以色身而為體質是名如

是體

**四如是力**

力即力用謂始自地獄終

至佛界皆有力用功能是名如是力

**是作**

作即造作謂始自地獄終至佛界皆

能運為造作是名如是作

**六如是因**

因即

習因謂始自地獄終至佛界善惡業因皆

由自種而生習續不斷是名如是因

**是緣**

緣即緣助謂始自地獄終至佛界各

種十

三五

有緣起之法助成習因是名如是緣

**是果**

果即習果謂始自地獄終至佛界皆

由習因習續於前習果剋獲於後是名如

是果

**九如是報**

報即報果謂始自地獄終

至佛界皆由習因習果而感其報是名如

是報

**十如是本末究竟等**

謂初相為本後

報為末此之本末皆同實相一理平等無

二是名如是本末究竟等

大明三藏法數卷第二十八